

V – KATEGORIJA KORISNIKA SREDSTAVA

Član 9.

(Kategorija korisnika sredstava)

Korisnici novčanih sredstava za podsticaj poljoprivredne proizvodnje su sljedeći kandidati:

- a) pravno lice registrovano po Zakonu o privrednim društvima ("Službene novine Federacije BiH", broj 81/15 i 75/21) i Općem zakonu o zadrugama ("Službeni glasnik BiH", broj 18/03),
- b) fizičko lice registrovano po Zakonu o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj 75/21),
- c) neregistrovano fizičko lice koje se bavi poljoprivredom, a koje je upisano u registar poljoprivrednih gazdinstava i registar klijenata na području Kantona.

VI – NADZOR, NAČIN I ROKOVI IZVJEŠTAVANJA

Član 10.

(Način i rokovi izvještavanja)

- (1) Nadzor nad ispunjavanjem uslova za ostvarivanje prava na novčani podsticaj vrši Ministarstvo privrede Kantona Sarajevo, a inspeksijski nadzor vrši nadležna inspekcija.
- (2) Ministarstvo privrede Kantona Sarajevo dostavlja Izvještaj o realizaciji novčanih podsticaja u prethodnoj godini Vladi Kantona Sarajevo, najkasnije do 30. aprila tekuće godine.
- (3) Vlada Kantona Sarajevo je obavezna najkasnije do 30. juna tekuće godine dostaviti Skupštini Kantona Sarajevo informaciju o realizaciji novčanih sredstava za novčane podsticaje za prethodnu godinu. Obaveze Ministarstva privrede Kantona Sarajevo su propisane Zakonom o novčanim podsticajima u poljoprivredi na području Kantona Sarajevo ("Službene novine Kantona Sarajevo", broj 1/12 i 15/13).

VII – ZAVRŠNE ODREDBE

Član 11.

(Realizacija)

Za realizaciju ove odluke zadužuje se Ministarstvo privrede Kantona Sarajevo i Ministarstvo finansija Kantona Sarajevo.

Član 12.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

Broj 02-04-19964-28/23

11. maja 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. Zakona o naučnoistraživačkoj djelatnosti ("Službene novine Kantona Sarajevo", broj 26/16), na prijedlog Ministarstva za nauku, visoko obrazovanje i mlade Kantona Sarajevo, a uz prethodno pribavljeno mišljenje Savjeta za nauku Kantona Sarajevo od 8.5.2023. godine, Vlada Kantona Sarajevo, na Sedmoj sjednici održanoj 11.05.2023. godine, donijela je

ODLUKU**O UTVRĐIVANJU NAMJENE, KRITERIJA I NAČINA RASPODJELE SREDSTAVA ZA PODRŠKU NAUČNOISTRAŽIVAČKOJ DJELATNOSTI NA PODRUČJU KANTONA SARAJEVO IZ BUDŽETA KANTONA SARAJEVO ZA 2023. GODINU****DIO PRVI - OPĆE ODREDBE**

Član 1.

(Predmet Odluke)

- (1) Ovom odlukom utvrđuju se namjena, kriteriji i način raspodjele sredstava za podršku naučno-istraživačkoj/umjetničkoistraživačkoj djelatnosti na području Kantona Sarajevo iz Budžeta Kantona Sarajevo za 2023. godinu, organizacioni preduslovi za provođenje ove odluke, objavljivanje i provođenje javnog poziva, imenovanje komisije, zadaci komisije za ocjenjivanje prijava/programa/projekata, aktivnosti programa/projekata, kao i druga pitanja vezana uz raspodjelu i dodjelu sredstava.
- (2) Odluka uključuje opće i posebne kriterije koje Ministarstvo za nauku, visoko obrazovanje i mlade Kantona Sarajevo (u daljem tekstu: Ministarstvo) kao davalac sredstava treba primjenjivati prilikom objave javnog poziva, dodjele sredstava iz Budžeta i izvještavanje o provedenim postupcima.
- (3) Opći principi na kojima se ova odluka zasniva su: princip zakonitog, namjenskog, transparentnog, efikasnog i ekonomičnog raspolaganja i utroška bužetskih sredstava.

Član 2.

(Rodna neutralnost izraza)

Izrazi koji su radi preglednosti dati u jednom gramatičkom rodu u ovoj odluci se bez diskriminacije odnose na oba spola.

Član 3.

(Sredstva)

- (1) Sredstva za podršku naučnoistraživačkoj/umjetničkoistraživačkoj i istraživačko-razvojnoj djelatnosti na području Kantona Sarajevo u 2023. godini, osigurana su u iznosu:
 - a) od 4.250.000,00 KM (četiri miliona dvije stotine pedeset hiljada KM) u Budžetu Ministarstva za nauku, visoko obrazovanje i mlade za 2023. godinu, na poziciji ekonomski kod 614300, funkcija 098, subanalitika QAN002, Transfer neprofitnim organizacijama - nauka;
- (2) Najveći iznos sredstava koji se može dodijeliti projektu/programu definisan je svakim programom pojedinačno.
- (3) Finansijska podrška dodjeljivat će se Korisnicima sredstava (u daljem tekstu: Korisnik) na osnovu sporazuma, ugovora i odluka ministra za nauku, visoko obrazovanje i mlade (u daljem tekstu: ministar), a na prijedlog posebno formiranih komisija.
- (4) Odobrena sredstva će se koristiti na način kako je to propisano potpisanim sporazumom i/ili ugovorom o implementaciji projekta/programa.

DIO DRUGI – RASPODJELA /NAMJENA SREDSTAVA

Član 4.

(Raspodjela/Namjena sredstava)

- (1) Vlada Kantona Sarajevo, na prijedlog Ministarstva, ovom odlukom definira raspodjelu sredstava za sufinansiranje projekata/programa koji daju doprinos razvoju

- naučnoistraživačke/umjetničkoistraživačke i istraživačko-razvojne djelatnosti.
- (2) Osigurana sredstva za PROGRAM A (A.1, A.2 i A.3) u iznosu od 500.000,00 KM (slovima: petsto hiljada KM) – dodjeljuju se u javnom interesu za sufinansiranje projekata/programa iz oblasti nauke putem sporazuma i odluka za korisnike kojima je postupak dodjele sredstava propisan zakonskim aktom i u skladu sa Zakonom o izvršavanju Budžeta Kantona Sarajevo za tekuću godinu, a bez objave javnog poziva u skladu sa članom 9. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22).
 - (3) Osigurana sredstva za PROGRAM B (B.1, B.2, B.3 i B.4) u iznosu od 3.750.000,00 KM (slovima: tri miliona sedamsto pedeset hiljada KM) – dodjeljuju se u postupku javnog oglašavanja od strane Ministarstva, u skladu sa kriterijima i smjernicama definiranim ovom odlukom.
 - (4) Sredstva iz člana 3. ove odluke koristit će se kao podrška razvoju naučnoistraživačke/ umjetničkoistraživačke i istraživačko-razvojne djelatnosti u Kantonu Sarajevo, i to kroz slijedeće programe:

**PROGRAM A: JAČANJE KAPACITETA
MINISTARSTVA I EKOSISTEMA NAUKE, INOVACIJA
I PODUZETNIŠTVA**

Program A.1. Jačanje i razvoj ljudskih resursa, administrativnih i istraživačkih kapaciteta, unapređenje međunarodne saradnje i umrežavanja, promocija "triple Helix" pristupa, jačanje sinergije između javne uprave, nauke i privrede kroz promoviranje novih pristupa u istraživanju i inovacijama; projektno savjetovanje sa ciljem da da podršku zaposlenim na fakultetima/institutima da isplaniraju budžet i realizuju svoje projekte; uspostavljanje mentoring programa za mlade naučnike i umjetnike s ciljem jačanja njihovih karijera; istraživanja koja će omogućiti uključenost studenata i zaposlenika univerziteta u organizirane oblike sporta kroz razvoj kulture tjelesne aktivnosti kao neodvojivog dijela fiziološkog, mentalnog i socijalnog zdravlja zajednice; regulisanja pitanja vlasništva nad intelektualnom svojinom i upravljanju projektima; evaluacija programa nauke Kantona Sarajevo s ciljem upoznavanja javnosti sa naučnoistraživačkim i umjetničkoistraživačkim postignućima koji su ostvareni u okviru aktivnosti podržanih od strane Vlade Kantona Sarajevo; priprema studije na osnovu detaljne analize i ocjene postignuća, održivosti i impakta programa nauke.

Program A.2. Jačanje promocije naučnoistraživačkih i umjetničkoistraživačkih dostignuća, kroz isticanje postignuća naučnoistraživačke i umjetničkoistraživačke zajednice KS/BiH (naučne lekcije); popularizacija nauke, naučnoistraživačkog i umjetničkoistraživačkog rada putem pripreme digitalnih sadržaja; realizacija događaja kroz niz aktivnosti organizovanih u saradnji sa univerzitetima, muzejima, ANUBiH, NUB, koji bi isticali ulogu nauke u svakodnevnom životu, te predstavili naujspješnije istraživače i umjetnike; priprema kalendara događaja koje će Ministarstvo aktivno obilježavati npr. Međunarodni dan nauke, Dan Planete zemlje i sl.;

Program A.3. Modul memorije opkoljenog Sarajeva je program kroz koji će se realizirati naučno istraživanje prošlosti na temelju umjetničkog izraza kroz nove medije. Osnovni cilj ovog projekta je očuvati sjećanje na tragičnu prošlost Bosne i Hercegovine, ali i prepoznavanje kulturoloških i umjetničkih vrijednosti koje su nastale u periodu opsade grada putem umjetničkoistraživačkog djelovanja; istraživanje kulturno historijskog naslijeđa u obliku modula memorije; modul

memorije koji bi ove godine bio posvećen rimskom naslijeđu, stvaranju arheološkog digitalnog hub-a Republika Aqua; podrška Sarajevo VR Forumu (infrastruktura za VR i XR za digitalizaciju naslijeđa, virtualne laboratorije za studente i sl.).

**PROGRAM. B 1: JAČANJE NAUČNE
INFRASTRUKTURE**

- a) **Program B.1a: Sufinansiranje naučnoistraživačkih/umjetničkoistraživačkih i istraživačko-razvojnih projekata od posebnog interesa za Kanton Sarajevo:**
 - 1) Osigurana sredstva: 2.800.000,00 KM (slovima: dva miliona osamstohiljada KM)
 - 2) Maksimalan iznos po jednom projektu je 100.000,00 KM (slovima: stotinu hiljada KM)
- b) **Program B.1b: Sufinansiranje naučnoistraživačkih/umjetničkoistraživačkih i istraživačko-razvojnih projekata čiji su nosioci mladi naučnici/istraživači**
 - 1) Osigurana sredstva: 250.000,00 KM (slovima: dvjesto pedeset hiljada KM)
 - 2) Maksimalan iznos sredstava koji se može dodijeliti za sufinansiranje jednog projekta: 30.000,00 KM (slovima: trideset hiljada KM)
- c) **Program B.1c: Sufinansiranje troškova tehničke izrade i odbrane doktorske disertacije na Univerzitetu u Sarajevu**
 - 1) Osigurana sredstva: 50.000,00 KM (slovima: pedeset hiljada KM)
 - 2) Maksimalan iznos sredstava koji se može dodijeliti za sufinansiranje jedne doktorske disertacije: 5.000,00 KM (slovima: pet hiljada KM)

UKUPNO: 3.100.000,00 KM (slovima: tri miliona sto hiljada KM)

**PROGRAM B.2: JAČANJE KAPACITETA ZA
INTERNACIONALIZACIJU**

Osigurana sredstva u iznosu od 300.000,00 KM (slovima: tristohiljada KM) koja će se dodijeliti na slijedeći način:

Program B.2.1: Izdavanje knjiga/monografija

- 1) Osigurana sredstva: 100.000,00 KM (slovima: sto hiljada KM);
- 2) Maksimalan iznos sredstava koji se može dodijeliti za sufinansiranje: 10.000,00 KM (slovima: deset hiljada KM).

Program B.2.2: Izdavanje i indeksiranje časopisa, međunarodna članarina

- 1) Osigurana sredstva: 150.000,00 KM (slovima: sto pedeset hiljada KM);
- 2) Maksimalan iznos sredstava koji se može dodijeliti za sufinansiranje jednog časopisa: 10.000,00 KM (slovima: deset hiljada KM);
- 3) Maksimalan iznos sredstava koji se može dodijeliti za sufinansiranje jedne članarine: 5.000,00 KM (slovima: pet hiljada KM).

Program B.2.3: Uvođenje programa/modula/cikličnih i necikličnih programa na stranim jezicima/digitalni portali, inovativni materijali koji promovišu dostignuća Bosne i Hercegovine u nauci i umjetnosti (internacionalizacija bez papira, greening)

- 1) Osigurana sredstva: 50.000,00 KM (slovima: pedeset hiljada KM);
- 2) Maksimalan iznos sredstava koji se može dodijeliti za sufinansiranje jednog programa: 10.000,00 KM (10.000 KM (slovima: deset hiljada KM).

PROGRAM B.3: SUFINANSIRANJE ORGANIZACIJE I UČEŠĆA NA KONFERENCIJAMA/DOGAĐAJIMA I OBJAVLJIVANJA NAUČNIH ČLANAKA

- 1) Osigurana sredstava: **250.000,00 KM** (slovima: dvjesto pedeset hiljada KM);
- 2) Maksimalan iznos sredstava koji se može dodijeliti za sufinansiranje jednog događaja ili konferencije: 10.000,00 KM (slovima: deset hiljada KM);
- 3) Maksimalan iznos sredstava koji se može dodijeliti za troškove učešća na konferencijama/događajima ili za troškove objave naučnog članka: 5.000,00 KM (slovima: pet hiljada KM).

PROGRAM B.4: PROGRAM JAČANJA KAPACITETA ZA APLICIRANJE NA ISTRAŽIVAČKE FONDVE EUROPSKE UNIJE

- 1) Osigurana sredstava: **100.000,00 KM** (slovima: stohiljada KM);
- 2) Maksimalan iznos sredstava koji se može dodijeliti za sufinansiranje jednog programa: 10.000,00 KM (slovima: deset hiljada KM).

Član 5.

(Pravo na podnošenje prijava)

Pravo podnošenja prijava za sufinansiranje Programa definisanih u članu 4. ove odluke a na osnovu objavljenog javnog poziva, imaju korisnici budžetskih sredstava, neprofitnih organizacija, pojedinaca i drugih pravnih lica registrovanih za obavljanje naučnoistraživačke djelatnosti na bilo kojem nivou vlasti u BiH, a koje ima sjedište na području Kantona Sarajevo, raspolaže naučnoistraživačkim kadrom, infrastrukturom i osnovnom opremom koja omogućava realizaciju planiranog projekta/programa i postizanje postavljenih projektnih ciljeva i imaju predlagatelja projekata koji ispunjava uslove tražene ovom odlukom, koji za sredstva iz Budžeta, putem transfera, aplicira u svrhu sufinansiranja aktivnosti/programa/projekata, koji su od interesa za unapređenje naučnoistraživačke djelatnosti u Kantonu Sarajevo i doprinose razvoju i afirmaciji Kantona Sarajevo i provode se na području Kantona Sarajevo.

Član 6.

(Način dodjele sredstava)

Dodjela sredstava iz Budžeta od strane Ministarstva provodi se u skladu sa kriterijima za dodjelu sredstava iz Programa utroška sredstava s kriterijima raspodjele tekućih i kapitalnih transfera utvrđenih budžetom Kantona Sarajevo Ministarstva za nauku, visoko obrazovanje i mlade za 2023. godinu ("Službene novine Kantona Sarajevo", broj 20/23) i to sa objavom ili bez objave javnog poziva.

DIO III – KRITERIJI

Član 7.

(Opći kriteriji za dodjelu sredstava)

- (1) Realizacija projekta mora započeti u 2023. godini i biti okončana do kraja 2024. godine, a dodijeljena sredstva se moraju realizovati do kraja 2023. godine za Korisnike koji su budžetski korisnici Kantona Sarajevo.
- (2) Sredstva se dodjeljuju namjenski Korisniku za konkretan projekat/program u skladu s odlukom ministra, te nije moguće vršiti naknadnu promjenu Korisnika, niti promjenu samog projekta (npr. umjesto izabranog predložiti drugi projekat odnosno vršiti prenamjenu dodijeljenih sredstava).

Član 8.

(Opći kriteriji za vrednovanje projektnih prijedloga)

- (1) Dodjela sredstava, za namjene iz člana 4. ove odluke, će se vršiti na osnovu općih kriterija za PROGRAM A i PROGRAM B.1a i B.1b -kako slijedi:

- 1) Kvalitet i relevantnost projektnog prijedloga;
- 2) Struktura i koherentnost projektnog prijedloga;
- 3) Usklađenost predloženih aktivnosti sa ciljevima i očekivanim rezultatima projektnog prijedloga;
- 4) Izvodivost projektnog prijedloga;
- 5) Doprinos razvoju područja istraživanja: naučni doprinos i praktična primjenjivost;
- 6) Kompetencija i struktura projektnog tima;
- 7) Kvalitet naučne infrastrukture potrebne za realizaciju projekta kojom raspolaže aplikant, te adekvatnost institucionalne saradnje i partnerstva ukoliko je planirana projektom;
- 8) Adekvatnost i opravdanost finansijskog plana projektnog prijedloga;
- 9) Diseminacija, vidljivost, održivost i impakt projekta;
- 10) Inovativnost i kompetitivnost istraživanja na međunarodnom/nacionalnom nivou.

Član 9.

(Posebni kriteriji)

- (1) Posebni kriteriji za PROGRAM B regulišu se smjernicama za svaki program iz člana 4. pojedinačno.
- (2) Smjernice su sastavni dio ove odluke.

Član 10.

(Cilj, indikatori učinka i izvori verifikacije)

- (1) Cilj dodjele sredstava iz člana 3. ove odluke je podrška projektima/programima koji doprinose razvoju naučno-istraživačke/umjetničkoistraživačke i istraživačkorazvojne djelatnosti u Kantonu Sarajevo, za implementaciju programa nauke definisanih u članu 4. ove odluke.
- (2) Indikatori učinka su realizovani programi na osnovu dodijeljenih grant sredstava iz člana 4. ove odluke.
- (3) Izvori verifikacije za utvrđivanje učinka su narativni, finansijski izvještaji i terenske posjete.

Član 11.

(Ocjena prijedloga projekta/programa)

- (1) Komisije za razmatranje i evaluaciju pristiglih aplikacija/prijava iz člana 15. ove odluke ovlaštene su da u postupku vrednovanja aplikacija/prijava, pored utvrđivanja formalno pravne ispravnosti ocjenjuje i naučno istraživački potencijal te relevantnost projekta u odnosu na kriterije i uslove utvrđene pozivom (za PROGRAM B) i u skladu sa tim vrše vrednovanje/bodovanje projekta.
- (2) Na Internet stranici Ministarstva objavit će se i lista dobitnika sredstava za PROGRAM A, nakon provedene procedure prikupljanja aplikacija, evaluacije istih i potpisanih sporazuma.
- (3) Na internet stranici Ministarstva objavit će se preliminarana lista dobitnika sredstava u roku od 60 dana od dana zatvaranja javnog poziva uz naznaku roka za podnošenje prigovora.
- (4) Po okončanju roka za podnošenje prigovora na preliminarnu listu, ministar donosi odluku o izjavljenim prigovorima i utvrđuje odluku sa konačnom listom dobitnika sredstava i iznosom za svakog dobitnika sredstava po javnom pozivu za PROGRAM B.
- (5) Na osnovu odluke sa konačnom listom dobitnika sredstava po PROGRAMU B i utvrđenim iznosom za svakog dobitnika sredstava će se vršiti isplata dodijeljenih sredstava.
- (6) Obaveze dobitnika sredstava će preciznije biti definisane ugovorom sa Ministarstvom za nauku, visoko obrazovanje i mlade.

Član 12.

(Kriteriji za vrednovanje projektnih prijedloga i evaluacija prijedloga)

- (1) Pri razmatranju podnesenih aplikacija vrednuje se:
 - a) kvalitet projekta i njegov doprinos implementaciji programa u skladu sa definiranim kriterijima;
 - b) finansijski i operativni kapaciteti aplikanta, uključujući procjenu realiziranih projekata/programa u protekle tri godine, prethodno ostvarena saradnja s međunarodnim partnerima i članstvo u međunarodnim i evropskim mrežama i asocijacijama;
 - c) održivost projekta i projektnih rezultata u periodu nakon završetka projekta;
 - d) izvodljivost projekta, projektnih aktivnosti, jasna povezanost cilja projekta s projektnim aktivnostima, broj korisnika koji su obuhvaćeni projektom;
 - e) troškovna efektivnost aktivnosti, odnosno usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta.

DIO IV – POSTUPAK DODJELE SREDSTVA

Član 13.

(Postupak i način dodjele sredstava)

- (1) Ministarstvo putem javnog konkursa objavljuje postupak i način dodjele sredstva iz tekućeg granta, za PROGRAM B, kao "Javni poziv za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2023. godinu", na web stranici Ministarstva i objavljuje obavještenje o javnom konkursu u dnevnim novinama.
- (2) Javni konkurs je otvoren 25 dana od dana posljednje objave.
- (3) Neblagovremene i nepotpune prijave ne uzimaju se u razmatranje.

Član 14.

(Potrebna dokumentacija i način dostavljanja)

Podnosilac aplikacije za dodjelu sredstava iz tekućeg granta za PROGRAM B prijavljuje se na "Javni poziv za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2023. godinu" elektronskim putem i putem protokola i dostavlja prijavu u skladu sa definiranim uslovima za prijavu, kriterijima za ocjenu projekata/programa i obrascima za prijavu.

Član 15.

(Imenovanje i zadaci Komisije za evaluaciju aplikacija-PROGRAM B)

- (1) Ministar imenuje Komisiju za razmatranje i evaluaciju zaprimljenih projekata iz PROGRAMA B na osnovu objavljenog Javnog poziva za tekući grant "Sufinansiranje naučno-istraživačkih/umjetničkoistraživačkih i istraživačko-razvojnih projekata i programa iz Budžeta Kantona Sarajevo za 2023. godinu (u daljem tekstu: Komisija).
- (2) Komisija ima neparan broj članova, a sastoji se od najmanje sedam članova i sekretara.
- (3) Prije početka rada komisije predsjednik, svi članovi komisije i sekretar potpisuju izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da su tokom cijelog postupka rada u komisiji dužni prijaviti mogući sukob interesa i tražiti isključenje iz rada komisije.

- (4) Komisija bliže uređuje djelokrug, način svog rada, zadatke, prava i obaveze članova Komisije putem donošenja Poslovnika o radu.
- (5) Komisija je dužna izvršiti provjeru kompletnosti, formalno-pravne ispravnosti pristigle dokumentacije.
- (6) Komisija je dužna označiti projekte koji su po temi vrlo slični onima koji su finansirani u prethodnim pozivima, kao i one koje implementiraju timovi koji su u prošlogodišnjem pozivu dobili sredstva.
- (7) Komisija je dužna izvršiti bodovanje prema evaluacionim obrascima koji su sastavni dio javnog poziva, za subjekte koji su dostavili dokumentaciju u skladu sa članom 14. ove odluke, u postupku kojim će utvrditi objektivna i provjerljiva mjerila na osnovu kojih se stiče minimalan broj bodova koji je neophodan za sufinansiranje programa po dostavljenoj aplikaciji.
- (8) Komisija je dužna da za svaku aplikaciju osigura recenzije najmanje dva recenzenta koji su specijalisti u oblasti za koju je podnesen prijedlog projekta iz PROGRAMA B. Recenzenti popunjavaju evaluacioni obrazac i dostavljaju ga Komisiji. Ukoliko u previđenom roku nisu primljena najmanje dva popunjena evaluaciona obrasca Komisija za takve prijave određuje dva člana Komisije koji su iz oblasti srodnih predmeta prijave koji nezavisno popunjavaju evaluacione obrasce za navedene prijave.
- (9) Komisija je dužna da formira preliminarnu listu i da na osnovu nje i na osnovu prihvatljivih troškova prijedloga projekta predloži iznos sredstava za dodjelu vodeći računa da se za dodjeljena sredstava mogu realizirati aktivnosti, postići određeni rezultati i ostvariti postavljeni cilj.
- (10) Predsjednik i svi članovi Komisije potpisuju sve zapisnike i tabele nastale u okviru rada Komisije.
- (11) Komisija je dužna dati zadatak obaviti najkasnije u roku 90 dana od dana početka rada.
- (12) Komisija podnosi Izvještaj o svom radu ministru sa prijedlogom preliminarne liste dobitnika sredstava u kojoj je naznačen rok za podnošenje prigovora.
- (13) Visina naknade za rad članova Komisije će se utvrditi posebnom odlukom ministra.

Član 16.

(Odluka sa konačnom listom dobitnika sredstava-PROGRAM B)

- (1) Po okončanju roka za prigovor na preliminarnu listu dobitnika sredstava koju objavljuje Komisija iz člana 15. ove odluke, ministar za nauku, visoko obrazovanje i mlade donosi odluku sa konačnom listom dobitnika sredstava i utvrđenim iznosima za svakog dobitnika sredstava, a na osnovu koje će se vršiti ugovoranje i isplata dodijeljenih sredstava.
- (2) Obaveze dobitnika sredstava po javnom pozivu preciznije će biti definisane ugovorom sa Ministarstvom.

Član 17.

(Obavještenja)

- (1) Ministarstvo će utvrditi dokaze o ispunjavanju uslova koje je potrebno da aplikanti prilože prilikom prijave na javni poziv za PROGRAM B, kao i strukturu i sadržaj aplikacije koja se dostavlja za sufinansiranje po javnom pozivu.
- (2) Podnosioci, čije su prijave za dodjelu sredstava odbačene ili odbijene, obavještavaju se o razlozima odbacivanja ili odbijanja istih pisanim putem.
- (3) Podnosioci, kojima su dodjeljena sredstva, smatraju se obavještenim objavljivanjem Odluke o konačnoj listi dobitnika sredstava na web stranici Ministarstva.

Član 18.

(Ugovor o korištenju dodijeljenih sredstava-PROGRAM B)

- (1) Ministarstvo će sa subjektima kojima su odobrena sredstva prema Odluci o konačnoj listi dobitnika sredstava, zaključiti ugovore o korištenju dodijeljenih sredstava.
- (2) Prije zaključivanja ugovora korisnici sredstava se obavještavaju elektronskim putem o Odluci i visini odobrenih sredstvima, te se od istih traži da u roku od sedam dana, a prije zaključivanja ugovora, dostave:
 - a) revidirani budžet usklađen s odobrenim sredstvima i u skladu sa budžetom u okviru aplikacije;
 - b) revidirani budžet projekta postaje sastavni dio ugovora iz stava (1) ovog člana i isti mora biti potpisan od strane ovlaštenog lica i ovjeren pečatom;
- (3) Prilikom sačinjavanja revidiranog budžeta dozvoljeno je mijenjanje iznosa po budžetskim linijama, ali ne i mijenjanje budžetskih linija.
- (4) Ukoliko korisnik sredstava ne prihvati uvjete iz ovog člana gubi pravo na korištenje sredstava, te je u tom slučaju dužan o tome pismeno obavijestiti Ministarstvo u roku od sedam dana.
- (5) Ministarstvo, na molbu korisnika sredstava, može dati saglasnost za produženje roka realizacije projekta maksimalno do šest mjeseci, ukoliko korisnik uputi molbu najmanje 60 dana ranije od kraja naznačenog roka provedbe odnosno datuma završetka projekta.
- (6) Korisnik sredstava mora obavijestiti Ministarstvo u pisanom obliku i bez odgađanja o svim okolnostima koje bi mogle ugroziti provedbu projekta/programa ili uzrokovati kašnjenje u njegovoj provedbi.
- (7) U slučaju da okolnosti iz prethodne tačke utiču samo na redosljed i/ili trajanje jedne ili više projektnih aktivnosti, ali ne uzrokuju kašnjenje u provedbi, Korisnik bez odgađanja pisanim putem obavještava Ministarstvo o navedenim okolnostima, uz davanje obrazloženja i podnošenje revidiranog plana provedbe projekta.
- (8) Korisnik sredstava može odgoditi provedbu nekih projektnih aktivnosti privremeno, zaustavljajući provedbu svih projektnih aktivnosti, pri čemu navedeno ne utječe na Korisnikovu obavezu postupanja u skladu s preuzetim ugovornim obavezama.

Član 19.

(Izvještaji o implementaciji projekta i utrošku sredstava)

- (1) Korisnik sredstava dužan je Ministarstvu dostaviti narativni i finansijski izvještaj o implementaciji projekta/programa i namjenskom utrošku sredstava.
- (2) Korisnik sredstava, u skladu sa stavom (1) ovog člana, dužan je završni narativni i finansijski izvještaj dostaviti najkasnije u roku od 30 dana od dana završetka projekta, a po potrebi dužan je Ministarstvu svakododno omogućiti uvid u dokumentaciju i realizaciju projekta.
- (3) Finansijski izvještaj obavezno sadrži kopije originalnih fiskalnih i ostalih propisanih računovodstvenih isprava za sve troškove nastale po odobrenom projektu u skladu sa važećim zakonskim propisima koji reguliraju ovu oblast.
- (4) Narativni izvještaj se podnosi i u elektronskoj formi radi pohranjivanja u repozitotiju projekata, za projekte iz PROGRAMA B.1 i obuhvat: uvod koji sadrži kratak pregled literature u oblasti istraživanja, ciljeve, očekivane rezultate i opis korištenih metoda i postupaka; Realizaciju projekata koja sadrži detaljan opis izvršenja akcionog plana sa opisom i detaljnim prikazom rezultata istraživanja i diseminacije istih; Zaključke koji jasno ističu stepen izvršenja planiranog, te daju sumativni

pregled impakta projekta, probleme sa kojima su se suočili prilikom implementacije i finalno, prijedlog proširenja istraživanja i aplikacije.

- (5) Uz izvještaj se dodaje i set aneksa: korištena literatura, spisak sa inventarskim brojevima i mjestom na koje je smještena kupljena oprema, spisak objavljenih publikacija koji su rezultat rada na projektu, dokaze o diseminaciji (spisak događaja, potpise učesnika događaja i/ili snapshot online participanata, slike, prezentacije i sl.).
- (6) Narativni izvještaj za programe A1, A2 i B.2, B.3 i B.4 obuhvata sumativni prikaz ostvarenih rezultata projekta/programa, detaljan opis sadržaja rezultata i impakta svakog od njih, uz narativni izvještaj se prilažu rezultati u pdf formatu ili ako to nije prikladno u nekom drugom e-formatu, dok se za prisustvovanje konferenciji ili događaju prilaže pdf format knjige sažetaka i drugog materijala.

Član 20.

(Evaluacija i praćenje odobrenih projekata)

- (1) Ministarstvo u saradnji sa Korisnikom prati i provodi evaluaciju provođenja finansiranih ili sufinsansiranih aktivnosti/programa/projekata što podrazumijeva programsko i finansijsko praćenje i evaluaciju svih obaveza prema ugovoru o dodjeli budžetskih sredstava.
- (2) Evaluacija uključuje:
 - a) analizu narativnog izvještaja o realizaciji projekta na bazi koje se utvrđuje učinak realiziranog projekta,
 - b) analizu finansijskog izvještaja i
 - c) terenske posjete.
- (3) Ukoliko se ustanovi nenamjensko trošenje doznačenih sredstava Korisnik sredstava je dužan izvršiti povrat cjelokupnog iznosa doznačenih sredstava na Jedinstveni račun trezora Kantona Sarajevo u roku od 30 dana od dana kada Ministarstvo pisanim putem to od njega zatraži, u suprotnom pokrenut će se postupak pred nadležnim organom protiv aplikanta koji nije opravdao doznačena sredstva i zabranjuje se apliciranje istom na konkurse koje raspisuje Ministarstvo u periodu od tri godine.
- (4) Ukoliko Korisnik nije utrošio cjelokupna doznačena sredstva za realizaciju odobrenog projekta, dužan je da, uz pisano obrazloženje izvrši povrat neutrošenih sredstava uplatom istih na Jedinstveni račun trezora Kantona Sarajevo roku od 30 dana od dana završetka projekta.
- (5) Ukoliko se sredstva ne uplate u navedenom roku pokreće se postupak pred nadležnim organom protiv korisnika sredstava koji nije opravdao doznačena sredstva i zabranjuje se apliciranje istom na konkurse koje raspisuje Ministarstvo u periodu od tri godine.

DIO V - ZAVRŠNE ODREDBE

Član 21.

(Preraspodjela sredstva i izvještavanje prema Vladi)

- (1) Ukoliko sredstva iz člana 3. ove odluke ne budu utrošena u cijelosti za programe utvrđene članom 4. ove odluke, ministar za nauku, visoko obrazovanje i mlade će izvršiti preraspodjelu preostalih sredstava za namjene predviđene ovom odlukom.
- (2) Izvještaj o utrošku sredstava iz člana 3. ove odluke Ministarstvo podnosi Vladi Kantona Sarajevo u skladu sa zakonom.

Član 22.

(Stupanje na snagu)

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-19964-29/23

11. maja 2023. godine
SarajevoPremijer
Nihad Uk, s. r.**SMJERNICE, KRITERIJI I DOKUMENTI ZA:
PROGRAM A; PROGRAM B**

Ovim dokumentom su za svaki od programa, iz člana 4. Odluke o utvrđivanju namjene kriterija i načina raspodjele sredstava za podršku naučnoistraživačkoj djelatnosti na području Kantona Sarajevo iz Budžeta Kantona Sarajevo, definisane slijedeće oblasti: specifične teme (A), osnovne upute za realizaciju pojedinih stavki koje mogu biti predviđene projektom (B), specifični zahtjevi koje moraju ispunjavati projektni prijedlozi (C), dokumentacija koju treba priložiti pri apliciranju na projekte (D), opći kriteriji za vrednovanje projekata (E), postupak evaluacije i vrednovanja projektnih prijedloga (F).

A - Specifične teme od interesa za Kanton Sarajevo

Naučno-istraživački/umjetničko-istraživački i istraživačko/razvojni projekti u ovom programu obuhvataju teme iz svih oblasti nauke i umjetnosti. Prednost će imati projekti koji su prilagođeniji specifičnim temama od interesa, te koji doprinose povezivanju ekonomije, višem stepenu internacionalizacije i potiču inovativne pristupe istraživanju (RRI - Responsible Research and Innovation) i primjenu Triple Helix pristupa (povezivanje javne administracije, nevladinog sektora i ekonomije) u svim područjima kroz koja će biti demonstriran njihov utjecaj na razvoj društvene zajednice. Aplikanti u prijedlogu projekta treba da istaknu jasnu vezu između navedenih specifičnih tema i doprinosa projekta, te diseminacijskih aktivnosti projekta.

(1) PROGRAM A (A.1., A.2. i A.3) JAČANJE KAPACITETA MINISTARSTVA I EKOSISTEMA NAUKE, INOVACIJA I PODUZETNIŠTVA

Ovaj program potiče projekte usmjerene na:

a) jačanje kompetencija humanih resursa, jačanje saradnje među akterima ekosistema nauke, visokog obrazovanja i poduzetništva, te razmjenu iskustava i informacija vezanih za naučnoistraživačku/umjetničkoistraživačku i istraživačko/razvojni praksu, kao i omogućavanja pronalaska partnerskih institucija, ali i istraživača/pojedinaca po pojedinim naučnim i umjetničkim oblastima;

b) promociju nauke i to kroz aktivnosti koje će ponuditi aplikativna rješenja za aktuelne probleme i to posebno one povezane sa zagađenjem vazduha, smanjenjem "produkcije" otpada, a kroz uvođenje inovativnih metoda recikliranja;

c) stvaranje multimedijalnog haba koji će objediniti fizički i cyber prostor koji okuplja prije svega istraživače i umjetnike, ali i studente i akademsko osoblje, te nudi različite vrste usluga u obliku analize scientometrijskih rezultata institucija kako bi olakšali donošenje odluka u smislu izgradnje strateških institucionalnih partnerstava i oblikovanja institucionalnih prioriteta u smislu jačanja naučne/umjetničke djelatnosti, zatim pristupa bazama podataka, repozitorijima, publikacijama, studijama slučaja, te omogućava virtualnu mobilnost i ostvarivanje kontakata sa međunarodnim naučnim institucijama, kao i informacije o međunarodnim istraživačkim/umjetničkim/razvojnim programima, te

iskustvima vezanim za apliciranje i implementiranje projekata u okviru tih programa;

d) inovativna istraživanja iz oblasti biotehničkih, medicinskih, humanističkih i društvenih nauka kako bi na kreativan način započeli razvoj kulture tjelesne aktivnosti kao neodvojivog dijela fiziološkog, mentalnog i socijalnog zdravlja zajednice;

e) inovativna istraživanja koja kombinuju društvene, humanističke nauke i umjetnost kako bi na kreativan način njegovali kulturu sjećanja u Kantonu Sarajevo;

f) kreiranje mape/registara raznolikih i raznovrsnih događaja, artefakta svih vrsta koje svjedoče o opsadi Sarajeva;

g) kreiranje idejnog rješenja modularne digitalne platforme koja bi na kreativan način objedinjavala artefakte, svjedočanstva, umjetnička djela/postavke, dokumente, odnosno sve ono što može da posluži kao građa za njegovanje kulture sjećanja uz korištenje modernih tehnologija, a posebno virtualne stvarnosti/digitalnog okruženja.

(2) PROGRAM B (B.1, B.2., B.3. i B.4.) JAČANJE NAUČNE INFRASTRUKTURE

Ovi programi potiču projekte koji su usmjereni na inovativna interdisciplinarna istraživanja:

a) koja doprinose implementaciji Zelene agende za Zapadni Balkan (https://ec.europa.eu/neighbourhood-enlargement/svstem/files/2020-10/greenagenda_for_the_western_balkans_en.pdf) koja se temelji na pet područja:

- uvođenje cirkularne i zelene ekonomije koja podrazumijeva kako uvođenje inovativnih poslovnih modela tako i inovativnih i novih tehnologija, tehnika i jačanje cyber-fizičkog okruženja;

- dekarbonizacija - izvori čiste obnovljive energije, okolišno prihvatljivi sistemi transporta i klimatske promjene;

- smanjenje zagađenja vode, vazduha i zemlje;

- održiva poljoprivreda i inovativni i održiviji lanci snabdijevanja hranom;

- zaštita biodiverziteta i ekosistema;

- zaštita zdravlja zajednice.

b) koja doprinose unapređenju kvaliteta života u Kantonu Sarajevo i obuhvataju, ali nisu ograničena na:

- računarsko modeliranje i simulacije prirodnih i tehničkih procesa (STEM oblasti, procesi u okolišu -strujanje zraka/voda, rasprostiranje polutanata, optimizacija rješenja);

- relevantne teme iz javnog zdravstva, uključujući dijagnostiku, prevenciju i terapiju; razvoj aktivne saradnje i uključivanje sportskih društava i klubova univerziteta kroz sportske susrete, prezentacije različitih tjelesnih aktivnosti u kojima je primjenjiva ili integrirana tjelesna aktivnost; pristupi i intervencije za promociju tjelesne aktivnosti ; unapređenje postojeće infrastrukture; Procjena programa i smjernica za promociju tjelesne aktivnosti , a što podrazumijeva da dobiveni rezultati definiraju praktične preporuke koje će služiti u svrhu poboljšanja zdravlja populacije:

- upotrebe alata i tehnike analize podataka, modeliranje sistema i donošenje odluka na bazi podataka; pristupi i intervencije za promociju tjelesne aktivnosti (Informacijski-Bihevioralni i društveni pristup);

- inteligentne sisteme upravljanja i automatizaciju procesa i sistema;

- eksperimentalne alate (tehnike) i/ili - teoretske podloge.

c) interdisciplinarna istraživanja, razvoj i osvajanje tehnika i metoda za rješavanje aktuelnih problema, posebno s ciljem razvoja Kantona Sarajevo [na primjer: zagađenje, okoliš, prirodne nepogode, građevinarstvo i urbanizam, gradska infrastruktura, komunalna energetika, vodo-snabdijevanje,

prirodne nepogode, saobraćaj, poljoprivreda, šumarstvo, biotehnologija, zdravstveni sistem, medicinske tehnike i zaštita, sigurnost, digitalizacija i automatizacija, razvoj cirkularne ekonomije i tehnologija, pokretanje inovativne industrije (aditivne proizvodne tehnologije/3D štampanje, energetska tranzicija i sl.)). Program za mlade istraživače potiče inovativna istraživanja u društvenim naukama, humanističkim naukama i umjetnosti kroz koja će biti demonstriran njihov utjecaj na razvoj društvene zajednice;

d) koja doprinose ispunjenju UN globalnih ciljeva održivog razvoja (UN SDG);

e) koji doprinose promociji BiH dostignuća u nauci i umjetnosti, te promociji inovativnih oblika internacionalizacije i mobilnosti (virtual)

f) koji doprinose jačanju kompetencija BiH u kontekstu EU-integracija na polju zakonodavstva, privrede, poljoprivrede, tehnologije, obrazovanja, zdravstva, projekte čija istraživanja služe razvoju društvenih oblasti u kontekstu pristupanja EU.

B - Osnovne upute za realizaciju pojedinih stavki koje mogu biti predviđene projektom

Prijedlozi projekata svih programa trebaju da budu oblikovani na način da zadovolje slijedeće zahtjeve u vezi strukture troškova i načina implementacije.

1) U okviru realizacije projekta može se vršiti nabavka naučno-istraživačke/ umjetničko-istraživačke opreme maksimalno do 80% od ukupnog iznosa sredstava koja se traže iz ovog poziva i to opreme koja je nužna za uspješnu realizaciju projektnih aktivnosti i ostvarenje projektnih ciljeva, a koja se obavezno specificira u prijedlogu projekta.

2) Ključne aktivnosti u projektu moraju biti provedene od strane projektnog tima te se iste ne mogu podugovarati (nije dozvoljeno angažirati podizvođače ni eksterne eksperte za provođenje cjelokupne/ih aktivnosti).

3) Dobitnik sredstava može u realizaciji projektnih aktivnosti koristiti infrastrukturu drugih pravnih subjekata, kao i platiti različite neophodne usluge za podršku procesu istraživanja (prikupljanja svjedočanstava i artefakata) i to maksimalno do 30% od ukupnog iznosa sredstava koja se traže iz ovog poziva, izuzetak čine projekti koji apliciraju na sredstva programa B.2, B.3 i B.4.

4) U okviru projekata iz navedenih programa mogu se planirati troškovi podugovaranja i to: štampanje, prevođenja, pravih usluga (npr. indeksiranje časopisa), plaćanje kotizacije za prisustvo konferencijama, troškovi agencije za organiziranje konferencija/događaja, priprema digitalnih edukativnih jedinica, plaćanje trenera (B.4).

5) Projektni prijedlog može predvidjeti angažman studenata I i II ciklusa, integrisanom i/ili III ciklusa studija, te angažman na post-doktorske istraživačke pozicije maksimalno do 60% od ukupnog iznosa sredstava koja se traže iz ovog poziva za projekat.

6) Ukupni troškovi za vođenje projekta i naknade istraživačima koji nisu uključeni u tački 3. ne mogu preći iznos od 10% od ukupnog iznosa sredstava koja se traže iz ovog poziva.

7) Troškovi istraživanja na terenu u zemlji i/ili van zemlje koji su predviđeni projektnim prijedlogom mogu se planirati maksimalno do 40% od ukupnog iznosa sredstava koja se traže iz ovog poziva. Izuzetak su programi B.3 i B.4 koji nemaju ograničenja po ovom osnovu.

8) Troškovi diseminacije (publikovanja, konferencija, studijskih boravaka i predstavljanja projekta) koji su predviđeni projektnim prijedlogom trebaju imati udio maksimalno do 20% od ukupnog iznosa sredstava koja se traže iz ovog poziva. Izuzetak je program B.2.2. i program B.3.

9) Indirektni troškovi (overheads) ne mogu biti viši od 5% od ukupnog iznosa sredstava koja se traže iz ovog poziva. Izuzetak je program B.3 gdje se za organizacijske troškove konferencija može izdvojiti više od 5% od ukupnog iznosa sredstava.

10) Naučnoistraživački/umjetničkoistraživački i istraživačko-razvojni projekti koji uključuju i partnerstva sa drugim međunarodnim i domaćim javnim i/ili privatnim institucijama/pravnim licima koja će učestvovati u implementaciji aktivnosti i u sufinansiranju projekta, imat će prioritet pri odabiru, s tim što se za ta druga pravna lica ne može tražiti sufinansiranje iz sredstava ovog poziva.

11) Prijedlozi projekata u okviru programa B.4.: Program jačanja kapaciteta za apliciranje na istraživačke fondove Europske unije, treba da imaju fokus na aktivnosti koje će rezultirati fomiranjem konzorcija, kao i pripremu projektnih prijedloga, što uključuje podršku organizaciji sastanaka konzorcija ili odlasku na sastanke konzorcija ili promociji na događajima povezanim sa pozivima za istraživačke projekte Europske unije.

12) Umjetničko-istraživački projekti koji mogu biti podržani u okviru ovog poziva treba da:

a) imaju fokus na stvaralačkim procesima, a koji će rezultirati podizanjem kvalitete umjetničke infrastrukture (nabavka neophodne umjetničke i umjetničko-istraživačke opreme) i produkcije (koncerti, predstave, izložbe i sl.),

b) budu otvoreni za interdisciplinarnu saradnju, čime se podstiču stvaralački procesi koji objedinjuju različite segmente umjetničkog djelovanja (scenska, muzička, likovna umjetnost) i tehnologije medija.

C - Uslovi za realizaciju projekata

Projekti trebaju zadovoljiti slijedeće uslove:

1) Realizacija projektnih aktivnosti u okviru programa B.1a i B.1b obavezno obuhvata provođenje istraživanja čiji krajnji rezultat mora biti minimalno objavljen ili prihvaćen za objavljivanje jedan naučni rad u časopisu koji pripada najmanje trećem kvartilu (Q3) po Web of Science (u daljem tekstu: WoS) Journal Citation Reports (u daljem tekstu: JCR) za oblasti nauka čiji su časopisi indeksirani u Web of Science Core Collection (u daljem tekstu: WoSCC), odnosno Scopus SCImago za oblasti društvenih i humanističkih nauka koje nisu pokrivene sa WoSCC, već isključivo Scopus bazom. Za projekte iz oblasti umjetničkih istraživanja potrebno je dostaviti potvrdu o realizaciji minimalno jedne javne umjetničke produkcije od društvenog značaja.

2) Realizacija projektnih aktivnosti u okviru programa B.1 podrazumijeva da je neophodno potvrdu o objavljivanju, odnosno prihvatanju naučnog rada koji je u skladu sa navedenim uslovom, dostaviti najkasnije dvije godine nakon isteka roka koji je u aplikaciji predviđen za okončanje projekta. Voditelj/ica projekta ne može aplicirati na novi projekat sve dok ne dokaže da je rad iz stava 1, iz prethodnog projekta na kojem je voditelj, prihvaćen za objavljivanje.

3) Voditelj/ica projekta iz oblasti umjetničkih istraživanja ne može aplicirati na novi projekat sve dok ne dokaže da je umjetnička produkcija realizovana.

4) Voditelj/ica projekta se može pojaviti u ulozi voditelja/ice na samo jednom projektu.

5) Realizacija projekta mora započeti u 2023. godini i biti okončana do kraja 2024. godine, a dodijeljena sredstva se moraju realizovati do kraja 2023. godine.

6) Da je voditelj/ica projekta državljanin/ka Bosne i Hercegovine, naučni/a radnik/ca sa stepenom doktora nauka iz oblasti u koju spada projekat, a uvažavajući specifičnost interdisciplinarnih projekata, te da je u radnom odnosu ili

angažovan/a duže od jedne godine od dana objave Javnog poziva u ustanovi koja ima sjedište na području Kantona Sarajevo.

7) Za projekte koji traže podršku u okviru programa B.2., B.3. te programa B.4. voditelj/ica projekta ne mora biti naučni/a radnik/ca sa stepenom doktora nauka;

8) Voditelj/ica projekta iz oblasti umjetnosti treba ispunjavati slijedeće uvjete:

a. da posjeduje najmanje stepen magistra umjetnosti;

b. najmanje jedan projekta iz oblasti umjetnosti (izložbe, koncerti, pozorišne predstave i filmovi) od izuzetnog društvenog značaja koji su realizirani u posljednjih pet godina.

9) U svojstvu voditelja/ice projekta može biti angažovan/a član/ica Akademije nauka i umjetnosti Bosne i Hercegovine i profesor/ica emeritus, a penzionisani naučni radnik može biti angažovan u svojstvu člana tima ili konsultanta odnosno vanjskog saradnika;

10) Da naučnoistraživački/umjetničkoistraživački ili istraživačkorazvojni tim minimalno mora biti sastavljen od voditelja/ice projekta i dva istraživača/ice (npr. iz reda saradničkih i istraživačkih zvanja, post-doktoranta, studenata II i III ciklusa studija, te studenata I ciklusa studija i/ili integrisanog studija);

11) Izuzetak iz prethodnog stava su projekti namijenjeni prevashodno za formiranje ili proširenje/obnavljanje eksperimentalne infrastrukture (laboratorijska ili terenska mjerenja), a što se pokazuje prijedlogom budžeta koji ima minimalno 60% udjela opreme u ukupnom planiranom iznosu projektnog prijedloga, u kojem slučaju istraživački tim mora biti sastavljen najmanje od voditelja/ice projekta i jednog istraživača/ice iz reda saradničkih/istraživačkih zvanja, post-doktoranta ili studenata/ice III ciklusa studija. Dodatno, izuzetak iz prethodnog stava čine i projekti u okviru programa B.2., B.3. te programa B.4.

12. Kriteriji za voditelja/voditeljicu PROGRAMA B.1.b

a) da je voditelj/ica projekta državljanin/ka Bosne i Hercegovine i da je u radnom odnosu ili angažovan/a duže od jedne godine od dana objave javnog poziva u ustanovi koja ima sjedište na području Kantona Sarajevo;

b) da je voditelj/ica projekta stekao titulu doktora nauka prije najviše 5 godina;

c) da je voditelj/ica projekta naučni/a radnik/ca sa stepenom doktora nauka iz oblasti kojoj pripada projektni prijedlog. Prednost imaju istraživači/ce koji imaju bolje rezultate u dosadašnjem radu što se dokazuje publikacijama u časopisima i/ili konferencijama indeksiranim u WoSCC bazi podataka i rangiranjem publikacija u JCR-u (Q1-Q4), odnosno za oblasti društvenih i humanističkih nauka WoS baza (citatni indeks Arts and Humanities) ili Scopus SCImago rangiranje. Prednost imaju istraživači/ce sa višim h-indeksom;

d) voditelj/ica projekta iz oblasti umjetnosti treba ispunjavati sljedeće uvjete:

1. da posjeduje najmanje stepen magistra umjetnosti;

2. najmanje jedan projekat iz oblasti umjetnosti (izložbe, koncerti, pozorišne predstave i filmovi) koji su realizirani u posljednjih pet godina;

e) da naučnoistraživački/umjetničkoistraživački ili istraživačkorazvojni tim minimalno mora biti sastavljen od voditelja/ice projekta, i jednog istraživača/ice (na primjer, iz reda saradničkih i istraživačkih zvanja, post-doktoranta, studenata II i III ciklusa studija).

Za projekte programa B.1.c neophodno je da:

a) da je kandidat državljanin Bosne i Hercegovine;

b) da je doktorska disertacija odbranjena u 2023. godini na visokoškolskoj ustanovi na području Kantona Sarajevo ili da je određen termin javne odbrane doktorske disertacije u 2023. godini na visokoškolskoj ustanovi na području Kantona Sarajevo;

c) da je doktorska disertacija odbranjena u 2022. godini na visokoškolskoj ustanovi na području Kantona Sarajevo nakon objave Javnog poziva Ministarstva za nauku, visoko obrazovanje i mlade Kantona Sarajevo u 2022. godini;

d) da kandidat nije ostvario finansiranje/sufinansiranje tehničke izrade i odbrane doktorske disertacije od organa/institucija na bilo kojem nivou vlasti u BiH.

13. Za projekte programa B.2.1

Izdavanje knjiga/monografija neophodno je da:

a) autor ima prebivalište na području Kantona Sarajevo najmanje tri prethodne godine od dana objave javnog poziva;

b) da knjiga predstavlja univerzitetsko ili ANUBiH izdanje visokoškolske/naučne ustanove akreditovane na području Kantona Sarajevo, te da je objavljena u 2022. godini nakon objave Javnog poziva Ministarstva za nauku, visoko obrazovanje i mlade Kantona Sarajevo u 2022. godini; ili je prihvaćena za objavu u 2023. godini odnosno da je knjiga objavljena u 2023. godini;

14. Za projekte programa B.2.2

Izdavanje i indeksiranje časopisa neophodno je da:

a) da ustanova/institucija/organizacija koja izdaje časopis ima sjedište na području Kantona Sarajevo;

b) da je časopis na spisku neke od citatnih baza podataka za naučne časopise;

c) da je glavni urednik naučnog časopisa državljanin Bosne i Hercegovine;

d) da časopis izlazi minimalno jedanput godišnje u posljednje tri godine

Sufinansiranje članarine u međunarodnim naučnoistraživačkim organizacijama i tijelima neophodno je da:

a) prilikom donošenja odluke o dodjeli sredstava, Komisija za dodjelu sredstava Ministarstva će aplikacije rangirati na osnovu međunarodne relevantnosti organizacije ili tijela za koje se plaća članarina i to po važnosti kako slijedi:

b) organizacije i tijela na svjetskom nivou

c) organizacije i tijela na cvropskom nivou

d) organizacije i tijela na regionalnom nivou

Jedan aplikant može podnijeti više prijava za ovaj program.

15. Za projekte programa B.3.

Za sufinansiranje organizacije i učešća na konferencijama/događajima - neophodno je da:

a) aplikant ustanova/institucija/organizacija iz sistema obrazovne i naučne djelatnosti, te organizacija civilnog društva - naučna i naučnostručna udruženja registrirana prema Zakonu o udruženjima i fonadacijama ("Službene novine Federacije BiH", broj 45/02),

b) tematika skupa/škole te znanstveno, nacionalno, međunarodno i društveno značenje skupa takvo da omogućava izuzetan doprinos skupa širenju naučne misli, kritičkoj razmjeni mišljenja, i jača vidljivost i internacionalizaciju i

c) predstavlja mogućnost uspostavljanja trajnih veza i saradnje s domaćim i stranim naučnim ustanovama i naučnicima te ima zavidnu tradiciju,

d) dostavljena izjava odgovornog lica pravnog subjekta koji aplicira da tražena sredstava nisu obezbjeđena iz drugih izvora a ukoliko postoji sufinansiranje iz više izvora potrebno je specificirati iz kojih, u kom iznosu i za koje namjene (kotizacija, troškovi putovanja, smještaja, vize i sl.).

e) da se naučni skup organizuje na području Kantona Sarajevo

Za projekte sufinansiranje učesća na relevantnim naučnim konferencijama u 2023. godini neophodno je da je:

a) autor naučnog rada državljanin Bosne i Hercegovine i da je u radnom odnosu na visokoškolskoj ustanovi na području Kantona Sarajevo;

b) da je naučni rad prihvaćen na relevantnim naučnim konferencijama u 2023. godini i da će autor izlagati/prezentovati naučni rad na toj konferenciji.

Za podrške objavljivanju naučnih radova - neophodno je da je:

a) autor/koautor državljanin BiH u radnom odnosu na visokoškolskoj/naučnoj ustanovi na području KS koja aplicira za podršku;

b) rad objavljen ili prihvaćen u periodu od zatvaranja javnog poziva Ministarstva u 2022. godini pa do isteka roka za predaju prijave po ovom javnom pozivu i da nije sufinansiran po javnom pozivu ministarstva u 2022. godini;

c) časopis kojem se rad objavljuje svrstan u kategoriju Q1-Q4 po JCR-u;

d) da je časopis u kojem se rad objavljuje svrstan u baze podataka Modern Language Association (u daljem tekstu: MLA), EBSCO ili SCOPUS za oblast humanističkih nauka;

e) rad sufinansiran jedinstveno bez obzira na broj autora/koautora, odnosno ako rad ima više autora, isti mogu aplicirati zajednički ili jedan autor u ime ostalih autora;

f) dostavljena izjava odgovornog lica pravnog subjekta koji aplicira da tražena sredstava nisu obezbjeđena iz drugih izvora a ukoliko postoji sufinansiranje iz više izvora potrebno je specificirati iz kojih i u kom iznosu.

Jedan autor može ostvariti pravo na sufinansiranje za najviše dva naučna rada.

16. Za projekte programa B.4.

a) da je aplikant aplicirao na neki od poziva Europske Komisije (Horizon, COST, Interreg...) što se dokazuje ispisom iz sistema za slanje aplikacija ili da je u fazi izrade aplikacije, za što je potrebno naknadno dostaviti potvrdu da je prijavljen projekat;

b) da je voditelj istraživačkog tima iz BiH u radnom odnosu na visokoškolskoj ustanovi odnosno naučnoistraživačkoj organizaciji na području KS.

D - Dokumentacija koju treba priložiti pri podnošenju prijedloga projekta

D.1 - Za pravno lice koje aplicira obavezno je priložiti sljedeću dokumentaciju (obraci dokumentacije će biti utvrđeni javnim pozivom):

Narativni i finansijski dio projekta:

1. Projektni prijedlog (potpisuje rukovodilac pravnog lica i ovjerava pečatom pravnog lica);

2. Reference i izvori

3. Budžet projekta/finansijski proračun

4. Biografije i bibliografije

5. Lista recenzenata

6. Saopštenja

7. Kontrolni obrazac

Administrativni dio projekta:

8. Administrativni podaci (potpisuje rukovodilac pravnog lica i ovjerava pečatom pravnog lica);

9. Izjava (potpisuje rukovodilac pravnog lica i ovjerava pečatom pravnog lica);

10. Izjava (potpisuje voditelj/ica projekta i ovjerava kod nadležne općinske službe).

Dodatno, privatne naučne institucije trebaju priložiti:

11. Rješenje o registraciji (fotokopija ovjerena kod nadležne općinske službe);

12. Rješenje o poreznoj registraciji - ID broj (fotokopija ovjerena kod nadležne općinske službe).

D.2 - Za voditelja/ice projekta obavezno je priložiti sljedeću dokumentaciju:

1) Uvjerenje o državljanstvu (fotokopija ovjerena kod nadležne općinske službe);

2) Dokaz o radnom statusu/angažmanu i izbor u zvanje voditelja/ice projekta u pravnom licu koje kandiduje projekat (original ili fotokopija ovjerena kod nadležne općinske službe);

3) Dokaz da voditelj/ica projekta ima jedan projekat iz oblasti umjetnosti (izložbe, koncerti, pozorišne predstave i filmovi) koji su realizirani u posljednjih pet godina (samo za umjetničke i umjetničkoistraživačke projekte).

4) Za voditelja/ice projekata iz programa B.1b dostaviti diplomu o stečenom zvanju doktora nauka (original ili fotokopija ovjerena kod nadležne općinske službe).

E - Opći kriteriji za vrednovanje projektnih prijedloga i evaluacija prijedloga

1. Opći kriteriji za vrednovanje projekata su:

a. Kvalitet i relevantnost projektnog prijedloga;

b. Struktura i koherentnost projektnog prijedloga;

c. Usklađenost predloženih aktivnosti sa ciljevima i očekivanim rezultatima projektnog prijedloga;

d. Izvodivost projektnog prijedloga;

e. Doprinos razvoju područja istraživanja: naučni doprinos i praktična primjenjivost;

f. Kompetencije i struktura projektnog tima;

g. Kvalitet naučne infrastrukture potrebne za realizaciju projekta kojom raspolaže aplikant, te adekvatnost institucionalne saradnje i partnerstva ukoliko je planirana projektom;

h. Adekvatnost i opravdanost finansijskog plana projektnog prijedloga;

i. Diseminacija, vidljivost, održivost i impakt projekta;

j. Inovativnost i kompetitivnost istraživanja na međunarodnom/nacionalnom nivou.

2. Za programe B.2, B.3 i B.4 vrijede sljedeći opći kriteriji:

a. Kvalitet i relevantnost zahtjeva za sufinansiranje;

b. Adekvatnost i opravdanost finansijskog plana projekta;

c. Impakt na proces internacionalizacije i jačanje vidljivosti i prepoznatljivosti BiH nauke;

d. Inovativnost i kompetitivnost istraživanja na međunarodnom/nacionalnom nivou.

F-Postupak evaluacije i vrednovanja projektnih prijedloga program ima tri faze:

FAZA 1: Komisija utvrđuje da li projektni prijedlog zadovoljava objektivna i provjerljiva mjerila definisana u ovom pozivu, te obavezne tehničke i formalno-pravne uslove. Samo projekti koji zadovolje prvu fazu biće evaluirani u narednoj fazi.

FAZA 2: Identifikacija minimalno dva recenzenta koji će vrednovati projekat na bazi naprijed navedenih opštih kriterija za vrednovanje na osnovu kojih se stiče minimalan broj bodova koji je neophodan za sufinansiranje naučnoistraživačkog/umjetničkoistraživačkog i istraživačkorazvojnog projekta. Minimalni prosječan broj bodova je 3. Projekat koji ispunjava formalno-pravne uslove, a ne bude vrednovan minimalnim brojem bodova neće biti sufinansiran.

FAZA 3: Zaključivanje evaluacije od strane Komisije i kreiranje preliminarne liste sufinansiranih projekata.

